

کتھی، سُنیر تے وسیب

☆ پروفیسر ڈاکٹر سعید بھٹا ☆

میریاں کھوجیاں لوک کہانی دیاں لکھتاں چھپن مگروں بیلیاں کنیں واری ایہہ سُجھا دتا کہ اپنے کھوج ڈھنگ توں جاؤ کراؤ۔ اکھے سوڑیاں سامیاں پاروں ای تاں اگے ذہناں تے مٹاں نوں ڈکے لگے ہوئے۔ اساں لکھت سومیاں نوں ہمیش اوہلے رکھیا ہے تاں جو اپنی ہٹی دی وکری ودھے۔ ناں ناویں دی دھرم اندر بیٹھی سک۔ جدوں سکاں نوں تریاں پندیاں ہن تاں ہواڑھ کوہاں توں ڈکیندی ہے۔ یورپی قوماں اپنے علم دیاں وسباں راہیں کتھوں دیاں کتھے اپڑ گئیاں ہن۔ اوہناں دیاں بنائیاں ستھاں علماں دے کھلاردا کارن بنیاں ہن۔ اساڈیاں سوڑاں دے کنیں رنگ ہن۔ سامیاں بارے و ت کدی سہی۔

یورپ وچ اُنہویں صدی توں ای لوک ادب دیاں کھوج ستھاں دامنڈھ بچھ گیا ہا۔ لوک ادب نوں کئی پکھاں توں پڑھن دی پرت پئی۔ و ت نکلیاں وڈیاں ستھاں سنے کالج، یونیورسٹیاں وچ لوک ریت دی جانکاری کان نصاب دیتے گئے۔ ایہناں نصاباں دامنڈھلا ٹچا ایہو ہا کہ نویں پیڑھی دامنڈھلا لوک ریت دی سانجھ ول ہووے تے اوہ ایس کھیتز وچ اپنا سیر پاوے۔ انگریزی لکھتاں وچ ورکشاپاں دیاں کارروائیاں تے سوالنامے سچ سچا لکھ و بندن، پراسانوں ایہہ سوالنامے کدی پوہ نہیں سکے۔ ایہدا کارن ایہہ ہے کہ ایہناں دے سراں اُتے و پار ستھاں دا ہتھ ہوندا ہے۔ سٹا ایہہ نکلد ا ہے کہ سوالنامیاں دی تربیت کتھی نوں جیوندے جاگدے آزاد بندے دے طور تے نہیں سگوں وست وانگوں لیندی ہے۔ ہک اوپرے جی کولوں اپنے مطلب دی شے کیویں کڈھاوئی ہے۔ ایہہ سوجھ دُوئے وسیباں، پرانی بولیاں وچ کھوج کرن والیاں باؤاں کان لکھاں دی ہوسی، پراساڈے واسطے نہیں۔ اساڈی باہلی کھوج انگریزی راج توں پہلاں دیاں باریں بارے ہے۔ ایہد اسوما بار و اسی ای ہوسکدے ہن۔ وٹا بار دا ہے۔ کتھی بار دا ہے۔ سُنیر تے کھوجی بار و اسی ہن۔ دھرتی جائے نال دھرتی دی گل کرن کان ہتھیں

☆ پروفیسر شعبہ پنجابی، جامعہ پنجاب، لاہور

’سوالنامہ‘ امریکا دی کھوج ستھ دا ہووے۔ ہے ناہا سے دی گل۔ اساڈی سوجھ موجب تاں ہر وسیب دا گل کرن دا انگ وکھرا ہوندا ہے۔ اوس انگ نوں جھن دی لوڑ ہوندی ہے۔

لوک کہانی دی کھوج سے اوپر یواں ای کدھ ہے۔ جے کتھی، سُنیر تے کھوجی وچوں ہک دھڑالوں کان آئی تاں سمجھو گل نہ بنی۔ ایہہ اوپر یواں زراڈوئی بولی دانہیں۔ اپنی بولی راہیں وی جمدا ہے۔ جے کھوجی ہووے وسیب دا ہے تے اوہدا لہجہ، ملنی جُلنی، بہنی اُٹھیونی وی دسدی ہے بھائی! میں ٹپیاں بھرن آیاں تاں چنگا بھلا گن وندا وی زنگا ہوویندا ہے۔ کیہ بھلا ٹپیاں وسیب نوں سمجھن دی کوشش کردے اوتاں ویسی وی تاں تہا نوں چھاندا ہے۔ کیہ پتہ تہاڈے کھوٹ چوں پہلی تکی نال ای دُسا رہو ویندا ہووے۔ انج مڈھلی حیثیت کتھی دی ای ہے۔ اوہ جیون دے گُناں، اوگناں، وسباں تے کسباں نوں کیویں اپنے چیت اچیت وچ تھان دے کے زوردارا ہے۔ انج اوہدے ہنڈھپے تے کلا دی موہر ہے۔ جے اوہنوں لاڈو کرن آ لے رچھاں نوں تھمارن ای لگسو تاں کہانی دا گل اوتھائیں گھٹی جاسی۔

انج تاں لوک کہانی دیاں کنیں وٹکاں ہن، پراسیں ویسی تے تاریخی کہانیاں نوں ای مکھ رکھیا ہے۔ ویسی کتھاں دی چون سے کتھی ای بدل ویندا ہے۔ اوہ خاص قسم دا کتھی ہوندا ہے جیہڑا بیتی نوں یاد رکھیندا ہے۔ اوہ گنیاں چُنیاں ای کہانیاں کریندا ہے۔ ہر تھارے ایہے کہانیاں دوہراون پاروں اوہدی کہانی دا سچا پڑیا ہوندا ہے۔ ایہہ وسیب وچ بیتی دا نقشہ موہرے لیاوندیاں ہن انج ایہناں دے وچ تبدیلی بہت گھٹ آوندی ہے۔ کنیں قبیلیاں دے میراثیاں تاں ایہناں دیاں واراں تے سدوی بنائے ہوئے۔ اوہ اپنی کہانی نثر وچ سناوندے ہن، پرس ودھاون کان کڑے تے ٹکاں وی لائی آوندے ہن۔ انج کہانی اپنے اصلی واقعے دی ہوند توں باہلی دور نہیں ویندی۔ شاعری اپنے سارے گناں دے ہوندیاں وی کلا تمک جکڑاں وچ جکڑی ہوندی ہے جیویں چھند، چال، قافیہ، ردیف، آہنگ تے ماتراں۔ تخیل کان نثر وچ ایہہ سوڑ نہیں ہوندی۔ بھاریں ہر جی کتھی وانگوں کتھ سنا نہیں سکدا پر واقعہ اوہدے کان اوپر نہیں ہوندا۔ ویسی

سُئیر کہانی دے اخیر نوں پہلاں توں جاندا ہے پروت وی ایہدے وچ بُڈ جیوندا ہے تے کہانی
سُندیاں اکائی سہرا۔

ایہناں کہانیاں دا ہک ویلا وی ہے تے تھیں وی۔ ایہہ ساندل بار، کڑانا بار، گوندل بار
تے گنجی بار دے قبیلیاں دے جیون ڈھنگ، سچ کچھ نوں نثار دیاں ہن۔ ایہناں کہانیاں دا سما
سوٹھویں توں اُنہویں صدی دا ہے۔ باہلے قبیلے تاں اے جے وی سگویاں تھہراں اُتے پٹھن۔ ایہہ
عام پڑھن ہاراں کان کہانیاں ای ہن، پر بار و اسی خاص طور تے اوہ قبیلے جیہناں دے وڈے
پاتر ہن، اوہ تاریخ وانگوں ماندے ہن۔ ایہہ باہر لیاں تے بار و اسیاں دی مکنی دانکھڑ وی ہے۔
باہر لا فارسی، انگریزی نوں پنے دے عرش اُتے اُتر دانہ ویکھے تاں اوہ فکشن آکھسی۔ اوہ فارسی
انگریزی لکھت نوں ریکارڈ آکھ وڈیا وندا ہے۔ ایہہ کہانیاں بار دے لینڈ سکیپ تے اقداری نظام
وچ گتھیاں ہونیاں ہن۔ ایہناں دے پاتراں دا ویہار ایس گل دا ہنگار بھریندا ہے کہ ایہہ وسیب
صدیاں توں اپنے پیراں اُتے کھلوتا ہے۔ جو ہاں دی رہت بہت، علاقیاں دا مزاجی نکھیر،
ویرو وودھ، سانگیاں دی لُج، ہوندی طاقتے ٹلنا، ہنر دا وڈیاء، ویری دا آدر، کیتی گل اُتے
پہرہ، پروہن چاری، ڈاڈھیاں توں ستے ہوئے کان جان وارنی، اوکھے ویلے بدسیاں دے
مقابلے اُتے اپنیاں دا کچھ پورنا، اجیہاں قدراں ہن، جیہڑیاں دُنیا دے وڈے توں وڈے
وسپاں توں ودھ نہیں تاں ساویں ضرور لہندیاں ہن۔

ایہہ وسیب ہکے وسیباں وچ نہیں گنید ا۔ ایس دھرتی اُتے دھاڑ ویاں دی ہک لمی
وہیر ہے۔ آریہ توں عرباں تیکر اتھے کیتی قوماں آئیاں تے اوہناں اپنے جیون ڈھنگاں نوں
ستکاریا۔ ہتھلیاں کہانیاں وچ ترکاں، مغلاں، پٹھاناں تے انگریزاں دیاں وسپی قدراں تے
باریں دی سوجھ وچ ہک ٹکرا وکھالی دیندا ہے۔ ایہہ سچ ہے کہ کابل، پشاور، دلی، لہور تے مُلستان
فارسی بولن والے بادشاہاں دے گڑھ بن چکے ہاں۔ باریں نوں وی ٹرکی، تازی مدھول کے
لگھدے ہاں۔ وت صبر کتا اٹھ سو سالہ راج۔ ایس تاریخی جبر دے ہوندیاں وی بار و اسیاں وسیب

داست ممکن نہیں دتا۔ ایہہ وسیبی ست ای ہوندا ہے جیہڑا اوکھے ویلے دی جی نوں اپنے پیریں کھلاردا ہے۔ دھاڑ وی اپنی بولی تے دُوجے پینٹڑیاں نال غلاماں نوں نوادندا ہے۔ جے وصولن آلے سرے تے سُچا وسیب تے پرکھا اکھ ہووے تاں وت نتارویاں شیواں ای غلاماں نوں وارے کھاوندیاں ہن۔ سخی خان خواص کہانی موجب دکن دے لودھی نواب دا پتر ہے۔ اوہدے جمن توں پہلاں ای اوہدی ماں نوں بھنڈ کے شاہیوں کڈھ دتا ویندا ہے۔ جُرم ہے بادشاہ دی گل کُندنی۔ اجیہے پاترنوں چھان دی کدھی تے بارای سہار سکدی ہے جتھے مُونہہ اُتے سچ بولن بندے دی ہوند دانشان ہے۔ خان خواص چھان دی کدھی اُتے چھیڑواں نال ودھدا پلدا ہے۔ موت من کے وی گل اُتے کھلوتے رہن پاروں فقیر سنیا سی اوہنوں پارس دیندا ہے۔ فقر تے جوگ دوا جیہاں سوغاتاں ہن، جیہڑیاں ایس دھرتی دے بندے نوں بندہ بناوندیاں ہن۔ ایہا پارس لوہے نوں سونا کریندی ہے۔ فقیر دی پارس وی ایہا ہے:

سخی خان خواص سکھے دا

دُکھ وٹھیندا ہے دُکھے دا

پیٹ بھریندا ہے بھکھے دا (1)

جیہدے ہتھیں ایہہ شے آگئی اوہ دلی دی شاہی نال لکراون جوگا ہوویندا ہے۔ سلیم غوری دلی وچ بہہ کے سراں تے راج کریندا ہے، پر خان خواص مناں اُتے۔ (2) دلی دی شاہی تلواریں راہیں سراں نوں نوادندی ہے تے جدوں پڑدی جت نہیں ہوندی تاں کھوٹ، مکر دے مکھوٹے نال پئی بڑدی ہے۔ لوکا ئی خان خواص نوں ’سخی‘ آکھ ستکار دی ہے تے سلیم غوری نوں ’گیدی‘۔ (3) سورییاں دا راج جدھر گئیاں بیڑیاں او دھر گئے ملاح۔ ”سخی خواص خان“ دا قصہ میاں محمد بخش ہوراں لکھیا ہے۔ (4) آر۔ سی۔ ٹمپل نے ”حکایات پنجاب“ حصہ سوم وچ اوہناں کہانیاں دی فہرست دتی ہے، جیہناں نوں اوہ چھوٹا ہی سکیا۔ ایہناں دے وچ ”خواص خاں کا گیت“ شامل ہے۔ (5) ایچ۔ اے۔ روز نے وی ’خان خواص‘ دی لوک کہانی دا ویرا دتا ہے۔ (6) قلعہ روتھاس وچ خواص

خان دامزار ہن وی کھلوتا ہے۔ (7) اکہویں صدی وچ لوک مانتا دا ثبوت ایہہ کہانی ہے۔ (8)

”غلام محمد چیمہ“ دی کہانی وچ مُغل بادشاہ اکبر دا ویر واملد اے۔ (9) اکبر ایہہ گھنڈی جاندا ہے کہ شاہی و بیہار دیاں نیہاں دیسی ہنرتے سیان پوأتے پکیریاں ہوسکدیاں ہن۔ ایس وسیب نوں نکھدیاں پیوآلا حال ای ہوسی۔ ایسے پاروں اوہنوں ٹوڈرل وارا کھاوندے ہن۔ غلام رسول چٹھے نوں وی سروپے تے جاگیر نال ایس و بیہار دا حصہ بنالیا جاندا ہے۔ چٹھے نوں ایس بیلپ اُتے مان ہے، پردیس دی بک سٹری ایہہ اولہا لہندی ہے۔ اوہنوں پتہ ہے کہ مُغل دی چال ہے سروپا۔ کھراجن تاں اوہو ہوندا ہے جیہڑا بلی دے گھرنوں اپنا گھر جانے تے جے توں چوں نہیں کھمداتاں وت کھوٹا۔ چیمہ ایسے لوک سو جھنال اکبر دی میں تے اوپر یوں نوں ٹھکوردی ہے۔

”اسالت گلوتر“ (10) ”مکھے خان گوندل“ (11) تے ”امیر بھروانا“ (12) دی کہانی دا مڈھلا ویشا بکھو ہے۔ ایہناں داساوی اٹھارویں صدی دا پنجاب ہے۔ ایس بیتی داوڈا سوما بھٹے شاہ، علی حیدر، وارث شاہ تے نجابت دے وین ہن۔ ایہہ کہانیاں وی بابیاں داہنگارا بھرنیدیاں ہن۔ انج جاپدا ہے کہ ایہہ دھروہ اجے بار واسیاں دے اچیت وچوں نکلیا نہیں۔ لوک کہانیاں دا پاتر پٹھان دوائے دی دھی بھین دا ویری ہے۔ ایہہ ہونی ساندل بار، کڑانا بار تے گوندل بار دے سورمیاں نال ورتی ہے۔ اتھے ہر پاسے بکسے بھاء پئی ورتیندی ہے، پردوں ایہہ کالک سورے دے مونیہ ملیندی ہے تاں اوہ بہہ نہیں سکدا۔ ترتیں سورے وڈے چاہواں نال پرنیندن۔ ترتیں وسیب وچ نشا بھر ہن۔ ترتیاں دیاں سوانیاں وین دوسیاں ہن۔ جدوں اوہ دھاڑ وی دی وست بندیاں ہن تاں اوہناں نوں پتہ ہے کہ ہن بچھا نہہ کاہیں آدر دیونا ہے۔ اوہ نویں جاگے تھاہر بناون دی کردیاں ہن، پر بچھلی تند وی چھڈیاں نہیں پئی چھڈی۔ مکھے خان گوندل تے نارنگ ساہی دے جدی ویری محمد خان بلوچ تے اسالت گلوتر اپنے وری بھل کے دھرتی جائیاں نال کھلو جاندا ہے ہن۔ گھراں وچ تاں کھیہہ بازی لگی امی امی ہے، پردوں دھاڑ وی دھروہ کردا ہے تاں ایہہ وسیب بک مُٹھ ہوویندا ہے۔ خورے ایہا مت ایہناں دے نال واپری نوں کہانی

بناوندی ہے یاں کہانیاں ایہہ سبق دیندیاں ہن۔

”صاحب میراٹی“ (13) تے ”مالی بھٹی“ (14) دوویں کہانیاں انگریزی راج دیاں ہن۔ ایہہ کڑانا بار دیاں واپریاں ہن۔ ایس سے دی خاص گل زمین نوں ذاتی ملکیت بناون ہے۔ ہُن قبائلی سوجھ جاگیر داری وچ وٹیندی پئی ہے۔ ”صاحب میراٹی“ دی کہانی وچ اُچم اوہناں دا ہے، جیہڑے زمیناں بنیندے ہن۔ راٹھاں دی ایس پیڑھی نوں ذاتی ملکیت توں پہلاں داسما چیتے ہے۔ صاحب میراٹی نویں اُسردی جاگیر داری داسر ماراٹھاں نوں پاکے بدلے ویلے وچ مٹکاؤن دی چنتا پالیندا ہے۔ بندیائی دی کائی کچھلی ایل میل ہاتاں اوہنوں ہُن مانجو۔ ایسے نوں ’سیانے‘ ویلے نال بدلن آہدے ہن۔ ایس کہانی توں گورے دے انیاں تے قبیلیاں دی نفسیات ویکھ کے ورتارے دی دس وی پیندی ہے۔

”مالی بھٹی“ دی کہانی بار دے وسیب تے وسوں دی نشا بھر مثال ہے۔ گور و قبیلہ کڑانا بار داصدیاں پُرانا واسی ہے۔ اوہ ایس مٹی دے پتر ہن۔ ایہدی گودی کھیڈ کے جوان ہونن۔ مال ڈنگرای اوہناں دا جیون وسیلہ ہے۔ کڑانے دیاں پہاڑیاں دے آل دوالے ٹوئے ہن جتھے پانی کھلوندا ہے تے مال ڈنگر پیندے نہاوندے ہن۔ مینہاں پاروں کڑانا وس پیندا ہے۔ گھاہ بوٹ دی چرائی میوندی نہیں۔ کڑانا بار چوں لگھدیاں کوئی جی راہاں توں ڈکے یاں چرائی ہوڑے۔ بارواسی ایہہ سوج ای نہیں سکدے۔ پراہیہ ہوویندا ہے۔ انگریزی راج سے زمین نوں ذاتی ملکیت بنا دتا جاندا ہے۔ ہُن دُونیاں جو ہاں دے واسی آگئے۔ مالکی دی میں نویں آیاں دی ہوند دا نشان ہے۔ دُونے وسیباں چوں آئے ہو یاں کان دھرتی ماں نہیں وست ہے۔ اوہ اُتج تے منڈی دی ساکا چاری دے بھیتی ہن۔ ضلع دار، گرداور، مُنشی، پٹواری، تھانیدار تے دوجے سرکاری نوکراں دا ایہناں نوں تھا پڑاوی ہے۔ منڈیاں دا ڈھڈھ جوں ایہناں بھرنا ہو یا تاں ای مال گڈی راہیں بندرگا ہواں تے اپڑنا ہو یا۔ وت ولایت داٹھپا لگ کے کالونیاں وچ وکنا ہو یا۔ انج ایہہ پونجی وادی دیاں تھو ہنیاں ہن۔ سائیاں نوں پیارے تاں لگنے ہوئے۔ بارواسی باریں نوں اپنا وطن

سجھیندے ہن۔ چو کھ قبیلیاں نوں سجھ دی نہیں آوندی دودھ، پُتر تے ان وکا ووی ہوندا ہے۔ بار دی ریت تے جیون نوں سدھے پر پیکھ وچ ویکھن دی تھاویں باؤ دھراں ایس چالے نوں بجی کرن دے کچ کڈھ لیندیاں ہن۔ ہلا بھلا جیس جی نوں زمین دی مالکی دا شعور ای نہیں تے اوہدا کوئی سر آن پاڑے تاں اوہنوں کیہڑی ٹوپی ٹھہسی؟ ایہہ کہانی باراں دی آبادکاری مگروں پہلی پیڑھی دیاں دوواں دھراں دے چالے نوں ہمیش کان اپنے کلاوے وچ سانجھی بیٹھی ہے۔

ایہہ کتھی انگریزی راج توں پہلاں دی کتھی ای کیوں کریندن؟ جے ایہہ کتھی دی ذاتی چون ہے تاں وت سنیر اوہنوں کیوں لہجہ جانندن، جیہڑے ایہہ کتھاں سُن دے ہن۔ جے کتھ سُنن والا کوئی نہ ہووے تاں کتھی کدوں آون؟ ایہناں کتھاں وچ کتھی تے سنیر دی گوڑھی سانجھ ہے۔ انگریزی راج دیاں بُرکتاں وچ نہراں، ریلواں، منڈیاں، سکولاں، کالج، تھانیاں، کچہریاں دے جس لبھدے ہن۔ ہُن جیون ہور دا ہور ہوویندا ہے۔ ایس ویلے وچ پیڑیاں رول جی نہیں رہندا سکوں مالکاں دی وست بن ویندا ہے۔ ایس ویہار نال رسیاں دھراں تھوڑے چرو وچ ای رزق وسیلیاں دیاں رازق بن بہندیاں ہن تے ویہریاں دھراں نوں چور، ڈاکو تے جانگی دے پھمکن لگدے ہن۔ رے ہوئے لاجھ تے لوبھ نال نت نویاں ملاں وچ نسیاے ہوندن۔ ویہرے بندیاں تے آزادی نوں وڈیاء کے ساویں کھلوون دا جتن کر دے ہن۔ اوڑک ٹھگی وچ دی چڑھ چدی ہے۔ گورے دے ویتے اداریاں وچ اوہناں دے پیراڑ دے ہن جیہڑے اُتلیاں منتراں نال کیلے ہوئیں۔ ایہہ لہھویں ای راج دے رچھ ہوندن تے نویں وسیلیاں دے وارث۔ بارو اسی ہتھل تے نلگے ہو جانندن۔ ایہہ نویں ہوند کسے نیائیں ٹورے چوں نہیں پنگر دی، جیہدے سٹے وچ مشینی عمل جیون دا حصہ بندا ہے۔ پہلاں گورے دی لوڑ کان جی دی تھجائی ہوندی ہے وت تھجے ہوئے گورے بن بہندن۔ آزاد بندہ تے مرضی دا جیون بارو اسیاں دا مُشکی سُننا نہیں سکوں کچی تھتھی تاریخ ہے۔ آزاد بندے دی جیونی دا پرچھاواں اوہناں دیاں اگلیاں پیڑھیاں وچ وی نظریندا ہے پراہہ رنگ وی تھجھیاں توں نہیں سہار یا ویندا۔ اوہ چپساں وٹ کے

جڑھاں وڈھن دے پے متے پکا وندن جیویں اجوکا بندہ ون، جنڈ، کریرای نہ ہووے متے۔

اگیں لا کے ساڑ دے کر دین چواتی (15)

راج توں پہلاں دی ہوند ایہناں کہانیاں راہیں چیت اچیت چوں نکل کے چیت پئی کریندی ہے۔
ایہناں کہانیاں دا سچا ستھائی ہے۔ اتھہ کوئی اچہا مذہبی ادارہ نہیں دسدا، جیہڑا جیون
دے دھارے نوں اپنے وس کیتی بیٹھا ہووے۔ ایہہ رب تے فقیر دے مانتو ہن پر ملاں مسیت
دے ہٹھا رو نہیں۔ ایہہ کہانیاں متھہاس دے پر چھاویں پیٹھ وی نہیں اُسریاں تے نہ ای ان
ڈٹھیاں تو تاں ایہناں دیاں واگاں موڑ دیاں ہن۔ تقدیر پرستی تے بندے دی بے بسی وی الہ
ہے۔ ایہہ آپت اچ رسدے لڑ دے ہن، پر قاضی دی عدالتوں نیاں کراون نہیں ویندے۔ ایہہ
میلا کر کے ہک دُئے نوں مناوی لیندن تے ورھیاں دے ویر بچ وچ بدل ویندن۔ قبائلی
لڑائیاں وچ کسے دی دھی بھین دامندا نہیں منگیا ویندا۔ جدوں کوئی ترک مغل پٹھان ایس وسیب
نال انج دا وادھا کردا ہے تاں جدی ویر بھل کے وسیب دی اکھ موہرے آویندی ہے۔ ویری دی
پھٹک تے ہو چھ پُنا ایہناں دے نیڑیوں وی نہیں لکھیا۔ ویری دے گُناں نوں من اصل وچ جی
دے اپنے وڈپ دا ثبوت ہے۔ ایہہ وسیب ہزاراں ورھیاں توں اپنے پیراں اُتے کھلوتا ہے تے
رل و سن دے ان لکھے معاہدے نوں پیا آدریندا ہے۔

استھہ گوہ گوچری گل ایہہ ہے کہ جے کہانیاں ہک متھہ ویلے تے تھاویں ہوند وچ
آئیاں ہن یاں ہک وسیب دیاں واپریاں ہن۔ وسیب وی اچہا جیہڑا باہرلی سوجھ نوں عینہ
چھانن دی سکت وی رکھیندا ہے۔ ایہناں دی اپنی اکھ وی ہے۔ ایہہ کہانیاں ہُن کیہڑی لوڑ پُور
دیاں ہن؟ اصل وچ ایہہ لوک کہانی دی پرکھ ریت دا پواڑا ہے۔ لوک کہانی نوں ہُن تیکر کئی علماں
دی عینک نال ویکھیا گیا ہے۔ ایہہ اگدوں سوچی نوں لوک کہانی اُتے مڑھن آلی گل ہے۔ جیویں
دُویاں کلاواں دی پرکھ سے وی ہوندا ہے۔ ایہہ تاں پکی گل ہے کہ کتھ سُننی وسیب دا ہک انگ
ہے۔ انج موہرلی حیثیت کتھی دی ہے۔ کتھی اپنی کتھ تاں ای سُناسکدا ہے جے اوہدا گھٹو گھٹ ہک

سُنیر ہووے۔ ایہہ نانی دوہتر وی ہوسکدے ہن۔ انج ویب دے دو جی اڈواڈھیٹیاں اختیار کر لیدے ہن۔ ہک سُنان والا تے دو جاسُنن والا۔ سُنن والے ویب وچ ہک توں ودھ وی ہوندن۔ اوہناں دی ساکا چاری وی ہوندی ہے۔ میل بند ویب وچ میلی وی ہوندن، پر کہانی سُنن سے اوہناں دیاں دواں حیثیتاں رہ جانیاں ہن کتھی تے سُنیر دی۔ دُونیاں حیثیتاں لایہ ہوجاندین۔ کتھی ویب سُو جھ داسنیا دُونیاں تیکر اپڑا وندا ہے۔ اوہ ایہہ سنیہا وصولن کان تیار ہن۔ ایہہ سنیہا ڈھیر واری تاں اکھراں، شبدان دی متھاجی وی لایہ کر چھڈیندا ہے۔ کتھی چہرے دے لہا چڑھا، سینتاں نال وی بہوں کجھ دسیندا ہے۔ انجیں وانگوں سُنیر ہنگارے تے سینتر اں راہیں اوہ دے سنیہے نوں سچ مندا ہے۔ انج دی گھڑی لگن نال ایہہ واقعہ اٹلا ہوجاندا ہے۔ ہوسکدا ہے کہ کتھی داپوئیاں کوئی ہور ویب جیہدے توں اوس کہانی سُنی ہے ایس سکھروں نہ چھوہ سکے۔ انج ایہہ دوویں دھراں وکھ ہوندیاں وی کتھ سُنن سُنان سے ہک تھی ویندین۔ انج لوک کہانی نت نویں ہوند بنائی رکھدی ہے۔

ویب کتھ تاں پچھوں ٹری امدی ہے۔ اوہ داندھلا واقعہ وی اوہو ہے، جیہوں ویب سُنیر پہلاں توں جاندا ہے، پر ایہدی نویں ہوند اوس ویب، ویب سُنیر اں دی رلت نال ای بندی ہے۔ اتھے ہک نیڑے دی مثال ویکھ لو۔ ایہناں کہانیاں وچ کئی انگریزی شبد آوندے ہن جیویں سکولی، پلس، میجر، ٹائم، آڈر، ہول، رجسٹر، گورمنٹ، لسٹ، ڈیوٹی، ٹریننگ، سپیڈ، پوزیشن وغیرہ۔ ظاہر ہے پچھلی پیڑھی دا کتھی جیہدے توں اجو کے کتھی کتھ سُنی ہے اوہ دے کول ایہہ شبد اولی نہیں ہوسکدی۔ اصل وچ ایہہ سُنیر دے من نال ای ہویا ہے۔ انج بھاویں کہانی داندھلا سچا تاریخی واقعے پاروں جناوی بیڑیا ہووے، پر کہانی دے دُوئے انگ بدلن دا آہر کتھی تے سُنیر کردا ہے۔ انج کتھ کیتیاں ہک معنے جمدے ہن۔ اوہناں معنیاں نوں ای کھوجی اگانہہ لے لڑا ہے۔ ایہہ آکھنا کہ کتھی دے ذاتی جیون، کتھی تے سُنیر دی ویب ہوند، کلاکاراں دے سے وچوں ہواؤن، کھوج کھیتر دے وسیاں تے جوہاں دی گھالنا نال کوئی فرق نہیں پیندا، چچر نہیں۔ اجیہی سُو جھ

نویں رنگاں توں چک تان لیدی ہے۔ رابرٹ۔ اے۔ جارج وڈی نتارویں گل کیتی ہے۔

"Furthermore, it is important to make an academic distinction between social functions and social uses, for while the former are always representative of the viewpoints of the investigations, the latter always reveal the viewpoints of the participants in the storytelling events. For this reason, the social uses are, in many ways, more important than the social functions, for they provide native or in-group insights into the meaning and significance of storytelling events that the nonnative or out-group investigator might have no way of observing or discovering because of his own social conditioning and cultural biases." (16)

اصل وچ انج دیاں سوجھاں تدوں ای ہمدیاں ہن جدوں کہانی سُنن نوں جیون دانشا بھر واقعہ نہیں منیندا۔ وسیب دی تکی تے ہوند توں دماغ تے اکھیں ٹوٹ لیدیاں ہن۔ ایس تکی دی کُٹھی کھل پئی لہیندی ہے اگدوں سوچیاں سوچاں نال۔ گملیاں نوں پھلواڑی آکھن نال باؤاں نوں حال تاں پے سکدا ہے پرایہہ سچ نہیں ہونتر دا۔ جے کتھی، سُنیز تے وسیب اٹلی گھڑی گھرن دا آہرنہ کرین تاں لوک کہانی دی کلا ای مک ونجے۔

حوالے/حاشیے

- 1 ایہہ کہانی پہلی واری ”پنچم“ نومبر 1999ء وچ چھپی۔ کمپوزر گچھ سطران کمپوز کرنوں اک گیا ہا۔ ایہہ حوالہ چھڈیاں سطران وچوں لیا ہے۔
- 2 شیرشاہ سوری دا بکڑا پتر جلال خاں، اسلام شاہ دالقب اختیار کر کے دلی دے تخت اُتے بیٹھا، پر لوکاں وچ سلیم دے ناں توں مشہور ہویا۔ مغربی بنگال دے گوروالے قلعے دی نسبت پاروں سلیم گوریاوی آکھیا ویندا ہے۔ کتھی اوہاناں ’غوریا‘ اُچاریا ہے ایس کان اساں سگواں رہن دتا ہے۔
- 3 خان خواص شیرشاہ سوری داسر کڈھواں جرنیل ہاتے کنیں فارسی مورخاں اوہدی بہادری تے چنگم دے گن گاویں ہن۔ قلعہ روہتاس دا ہک بوہا اوہدے ناں اُتے ہے۔ سید محمد لطیف ہوراں اوہدی پنجاب دی حاکی دی دس پائی ہے۔ (لطیف: 127) کاکارنجن قانون گواہنوں صوفی آکھیا ہے۔ (قانون گو: 689) احمد یادگار ”معدن جو دو کرم اور منبع خیرات و حسنات“ آکھ وڈیا یا ہے۔ (احمد یادگار: 254) شیرشاہ دی وفات (1545ء) مگروں اوہا پتر اسلام شاہ تخت اُتے بیٹھا۔ خان خواص شیرشاہ دے وڈے پتر عادل خاں دی دھڑکیٹی۔ عادل خاں شکست کھا دھی۔ جدوں بیبت خان نیازی اپنا راج قائم کرن کان اسلام شاہ دے مقابلے اُتے فوجاں لے دھانا تاں خان خواص نیازیوں داساتھ نہ دتا کہ میں شیرشاہ دا وفادار آں۔ اوس کماپوں (کماؤں) وچ جاپنا لئی۔ اسلام شاہ دے اندروں کڑ نہ گئی تے اوس خان خواص نوں دھوکے، مکر، فریب تے کوڑیاں سونہاں نال رسائی کرن کان آکھیا۔ انج اوہنوں وساہ کے قتل کر چھڈیا۔ اوہدے مرن سے دلی وچ انھیر تے بھمب آیا۔ (احمد یادگار: 254) شیرشاہ دامن ورھا 1545ء ہے تے اوہدے پتر اسلام شاہ دا 1553ء ہے۔ انج ایہناں اٹھاں ورھیاں وچ ای خان خواص نال بھانا ورتیا۔ ہُن برعظیم وچ خان خواص دے کنیں جاگے روئے بنے ہوئے۔
- 4 طارق مجاہد جہلمی، مقامات میاں محمد بخش (جہلم: مجاہد اکیڈمی، 2003ء) 37۔
- 5 آر۔ سی۔ ٹمپل، حکایات پنجاب حصہ سوم، مترجم۔ میاں عبدالرشید۔ (لاہور: مجلس ترقی ادب،

6 Denzil Ibbetson, Sir Edward Maclagan, H.A.Rose, A Glossary Of The Tribes And Castes Of The Punjab And North-West Frontier Province

Vol 1 (Lahore:Aziz Publishers, 1978) 631.

- 7 انجم سلطان شہباز۔ تاریخ جہلم (جہلم: بک کارز، 2003ء) 158۔
- 8 خان خواص نوں مورخاں غلام لکھیا ہے۔ گجھناں کنیر دا پترو وی دسیا ہے۔ شیر شاہ دے پتریلے ہون دی سُوہ وی لکدی ہے۔ احمد یادگار دی فارسی لکھت دے حاشیے وچ ”مخزن افغانی“ دے حوالے نال ”خواص خان پسر ملک سکھا“ (احمد یادگار: 150) توں چیتے دا مہاڑا یدھرای ویندا ہے کہ ایہہ دیسی بندہ ہا۔ پنجابی لوک گاؤں تے دلی دے بھٹ دی بانی وچ وی اوہدے پیو داناں سکھا دسیا گیا ہے۔ اساڈی معلومات موجب سکھا پٹھاناں، مغلاں، ترکاں داناں ای نہیں۔ دوئی گل ایہہ کہ کتھی خان خواص نوں چھھاں دی کدھی تے ودھدیاں پلداں دکھایا ہے۔ تریخی ایہہ کہ دکن دے شاہی ویدھار وچ جیس گل نوں اوگن بنایا گیا ہے، چھھاں دا ایہہ جیوندا جاگدا لگن ہے۔
- 9 سعید بھٹا، ”غلام محمد چیمہ“، مملوکہ پروفیسر ڈاکٹر سعید بھٹا۔ پنجاب یونیورسٹی لاہور۔
- 10 سعید بھٹا، ”اسالت گلوتر“، مملوکہ پروفیسر ڈاکٹر سعید بھٹا۔ پنجاب یونیورسٹی لاہور۔
- 11 سعید بھٹا، ”مکھے خان گوندل“، مملوکہ پروفیسر ڈاکٹر سعید بھٹا۔ پنجاب یونیورسٹی لاہور۔
- 12 سعید بھٹا، ”امیر بھروانا“، پنجابی ادب 17.63 (2003ء): 66-77۔
- 13 سعید بھٹا، ”صاحب میراٹی“، مملوکہ پروفیسر ڈاکٹر سعید بھٹا۔ پنجاب یونیورسٹی لاہور۔
- 14 سعید بھٹا، ”مالی بھٹی“، پطرس 26 (2005ء): 116-121۔
- 15 غلام مرتضیٰ شاہ، پوڑی ساندل بار (پیرانوالہ: معظم علی شاہ، س، ن) 14۔

16 Robert A. Georges, "Toward an Understanding of Storytelling Events," The Journal of American Folklore, 82.326(1969):313-328.